



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

xiii La vie de sainte Luce, vierge & mart.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

me Tome de ses Annales, & les autres Saints dont nous auons parlé au commencement de ceste vie.

A Rome mourut saint Damase Pape, lequel condamna Apollinaris heresiarque, & restablit en son siege Pierre Euesque d'Alexandrie, qui en auoit esté chassé, trouua par sa diligence plusieurs corps des saints martyrs, honorâ leurs sepulchres de beaux vrs, & garda sa virginité iusques à la mort. A Rome mesme S. Thrasion, nourrissant de ses biens les Chrestiens qui trauiilloient aux bains, & autres veures publiques, ensemble ceux qui estoient detenus en prison, fut prins par le commandement de Maximian, & martyrisé avec Pontian, & Pretexat. A Amiens moururent saints Victorique & Fuscian, lesquels sous le mesme Empereur, le President rictionaire fit diuersement tourmenter, commanda qu'on leur mit certains pieux de fer dans les narines & dans les oreilles, qu'on leur perçast les temples avec des cloux ardens, qu'on leur arrachast les yeux de la teste, qu'on les couurit de coups de dards, & en fin les fit decoler, avec Genrian leur hoste. En Perse deceda saint Barsabas martyr. A plaisance saint Sabin Euesque, renommé pour ses miracles. En Espagne saint Eurychie Confesseur.

A Rome saint Synese ayant esté fait lecteur du temps du Pape Xyste second du nom, & conuertit plusieurs à la Foy, fut accusé par deuant l'Empereur Aurelian, & par luy condamné à la mort. En Alexandrie les saints martyrs Epimachee & Alexandre ayans esté longs-temps en prison, & affligés de diuers tourmens persistans neantmoins tousiours en la Foy, furent bruslez du temps de l'Empereur Dece. Au mesme lieu moururent les saintes Dames Ammonaire vierge, Mercuria, Demse, & une autre nommée encor Ammonaire. La premiere ayant surmonté une infinité de courmens tous nouueux & inuistez, du mesme Empereur Dece, passa par le tranchant de l'espee, les autres trois furent sur le champ decolées. Avec les saints martyrs Hermogenes, Donat, & autres vingt & deux. A Treues les Saints martyrs Maxence, Constant, Crescent, Iustin, & leurs compagnons martyrisés durant la persecution de Diocletian, sous le president rictionaire.

LA VIE DE SAINTE LUCE
Vierge & Martyre.



LA glorieuse Vierge & Martyre sainte Luce, naquit d'illustres & riches parens en la ville de Saragoce en Sicile: elle estoit Chrestienne dès son enfance, & fort encline à toutes choses de vertu

& pieté, specialement à conseruer la pureté de son ame, & d'offrir à Dieu la fleur de sa virginité. Son pere estant decedé, sa mere Eutice la promit en mariage contre son gré, à vn Gentil-homme de fort bonne maison, sinon qu'il estoit Payé, Luce y apportoit toutes les longueurs & defaites qu'elle pouuoit, pour rompre ce mariage; nostre Seigneur luy en enuoya vne fort à propos, qui fut vne longue & facheuse maladie de sa mere Eutice, d'vn flux de sang qui luy dura quatre ans: sans trouuer aucuns remedes, ny medicamens propres à son mal. La renommee de sainte Agathe estoit lors fort grande par toute la Sicile, laquelle du temps de l'Empereur Dece auoit souffert martyre pour la foy de Iesus Christ en la ville de Carane, distante enuiron de treize lieues de Saragoce: Dieu faisoit de grands miracles au sepulchre de sainte Agathe, on y abordoit de toutes parts pour obtenir santé, & autres bien-faits de nostre Seigneur Iesus-Christ, par son intercession,

Sainte Luce conseilla sa mere d'aller en voyage à Catane visiter le corps de sainte Agathe, parce que sans doute elle trouueroit vn diuin remede à son mal: apres auoir essayé en vait celuy de tous les humains, elles allerent en pelerinage à Catane, visiterent l'Eglise de sainte Agathe, & se prosternerent sur son tombeau, faisant vne longue priere, pour obtenir de Dieu par l'intercession de la sainte Vierge, la guarison d'Eutice en ceste sienne necessité: sainte Luce s'endormit en oraison, & veid en songe sainte Agathe resplandissante & richement vestue, suivie d'vn grand nombre d'Ange, laquelle luy dit d'vne face riante: Ma seur Luce, pourquoy me demandez-vous ce que vous pouuez facilement donner à vostre mere, à laquelle vostre foy a rendu la santé? tout ainsi que la ville de Catane a esté illustree par moy, de mesme celle de Saragoce sera par vous annoblie: car vous avez preparé en vostre pureté virginal, le temple du S. Esprit, & vne demeure digne de Dieu. A ces paroles sainte Luce s'estueilla, & dit en riant à sa mere: ma mere, vous estes guarie, ce qu'elle trouua vray, dont elles rendirent toutes deux graces à Dieu, & à la glorieuse S. Agathe, par l'intercession de laquelle nostre Seig. auoit guaruy Eutice.

S'en retournans à Saragoce, la sainte fille pria sa mere de ne luy parler d'aucun mary du monde, & qu'il luy pleust employer les deniers qu'elle auoit destinez pour son dot, au seruice de l'Es-poux celeste immortel qu'elle auoit choisi: Eutice ne prenoit pas plaisir d'ouyr parler de se despoüiller de son viuant de son bien, & prioit sa fille d'attendre apres son decez, qu'elle disposeroit lors de tout à sa volonté: mais la sainte fille luy repliqua que les aumosnes qu'on fait apres la mort ne sont pas si agreables, comme celles qui se font durant la vie, parce qu'en mourant on laisse ce qu'on ne scauroit emporter, & l'on done en vie ce dont on peut iouyr: & celuy qui chemine la nuict, doit faire marcher le flambeau deuant pour estre esclairé, & voir où il met le pied.

Sainte Luce remonstra si bien cela à sa mere, qu'elle la persuada en fin de luy bailler son dot: lequel elle vendit, & en distribua liberalement l'argent aux pauures. Le Gentil-homme à qui sa mere l'auoit accordé: sachant cela, croyoit du commencement qu'elle vendit ses bagues & ioyaux pour mettre son argent en quelque belle terre: mais si tost qu'il vid que c'estoit pour donner aux pauures necessiteux, & que Luce estoit Chrestienne, il la print en telle horreur, qu'il l'alla accuser deuant le rfect, nommé rascal, d'estre forcere, sacrilege, & ennemie des Dieux de l'Empire Romain. Le President la fit venir deuant luy, & tascha par ses discours à luy persuader de quitter la vaine superstition des Chrestiens, & de sacrifier aux dieux à quoy la sainte Vierge ne voulut aucunement entendre: au contraire elle luy respondit franchement que le vray & plus agreable sacrifice à Dieu, c'estoit de visiter les veufues, les orphelins, & pauures miserables, pour les consoler en leurs tribulations, & qu'elle s'estoit employée 3. ans en ce sacrifice,

13.
DEC. donnant tout ce qu'elle pouuoit aux paures, & qu'elle n'auoit plus rien que son corps lequel elle desiroit offrir à Dieu comme vne hostie en perpetuel sacrifice: Paschal luy dit que c'estoient là des songes & resueries des Chrestiens, des paroles perduës, & qu'il ne le falloit pas dire à luy qui gardoit la Religion ancienne, & les commandemens des Empereurs: sainte Luce luy respondit d'vne merueilleuse constance, tu gardes les loix de tes Princes, & moy celle de mon dieu; tu crains les Empereurs de la terre, & moy celuy du ciel, tu as peur d'offencer vn homme mortel, & moy ie redoute le Roy immortel, tu desires de plaire à ton Seigneur, & moy à mon Createur; tu fais ce que tu penses estre pour ton mieux, & moy ce que ie iuge m'estre conuenable, ne te mets point en peine, pensant me pouoir separer de l'amour de mon Seigneur Iesus-Christ par tes raisons. Le Prefect se courrouça, & conuertissant ceste premiere & fausse douceur en furie, il dit des iniures à la sainte fille comme d'vne femme prodigue, & qui auoit dissipé son bien & son honneur en desbauches: à quoy sainte Luce luy repliqua: J'ay mis mon patrimoine en lieu assure, & ay toujours eu en horreur ceux qui corrompent & infectent les ames, comme vous faictes, me voulans persuader de laisser nostre Createur, & vray Espoux Iesus-Christ, pour forniquer avec les creatures, les adorant, & tenant pour des dieux: j'ay aussi fuy la conuersatiõ de ceux qui corrompent les corps, embrassans les plaisirs de la chair, & s'acharnans avec vne telle captiuité & seruitude à leurs passions brutales, qu'ils preferent vn goust sale & lascif aux ioyes eternelles: Tout ce langage, dit paschal, changera quand nous en viendrons aux prises. Les paroles de Dieu, repliqua sainte Luce, ne peuuent manquer à ceux qui sont le Temple du saint Esprit: c'est à dire à tous ceux qui vivent chastement, & qui le reuerent comme ils doiuent. Si cela est, dit le Iuge, ie te feray conduire en plein bordeau, où tu perdras ta chasteté, & ce saint Esprit, qui, à t'ouyr parler, est amoureux des Vierges, s'enfuyra. La sainte Vierge respondit à cela: Le corps ne peut estre souillé, ny la virginité perduë, que par le consentement de l'ame: si tu auois mis par force de l'encens en ma main, & que tu me contraignisses de le ietter sur les charbons pour sacrifier à tes Dieux, le vray Dieu qui verroit cela, ne feroit que s'en moquer: de mesme ie te dis si tu pretens de me faire violer, j'auray deux couronnes au Ciel, l'vne de Vierge, & l'autre d'auoir esté forcee deffendant ma pudicité.

En fin ce meschant Iuge commanda qu'elle fut menee au bordeau public: il y accourut tant de ieunes folastres, qui se promettoient d'en faire tout à leur plaisir: neantmoins l'y voulans conduire (õ vertu diuine!) elle demeura si immobile, qu'on ne la peut remuer du lieu où elle estoit à force d'hommes, ny de cordes, ny de paires de bœufs qu'on attela pour cet effect, le Iuge attribua cela à la vertu du dia-

ble, creut que ceste sainte Luce se defendoit par des sorts de son mestier d'enchanteresse & magicienne, veu qu'estant vne fille foible, elle resistoit à tant d'hommes puissans qui desployoient toutes leurs forces, sans la pouuoit esbranler: il enuoya querir ses enchanteurs & magiciens, pour rompre ces pretendus sorts, mais ils y apporterent en vain tous leurs charmes diaboliques. Paschal demeura tout esperdu, rugissant cõme vn lyon, de se voir vaincu par vne fille: la sainte Vierge luy dist alors: Pourquoy te fasches-tu? Si tu cognois que ie suis Temple de Dieu, crois-le; si tu en doutes encores, fais-en tant de preuues que tu voudras, iusques à ce que tu en ayes à suffire: ce n'est point vn Diable, ny vn fort, ains l'esprit de Dieu qui me rend immobile, lequel habitant en mon ame, me peut rendre si forte que toute le monde ne mesgaurroit esbranler d'où ie suis. Le Iuge fit mettre autour d'elle du bois, de la poix & de l'huyle, & le feu dedans pour la brusler: mais elle ne bougea non plus, que elle si eust esté au milieu d'vn iardin de plaisance, ne receuant aucune incommodité du feu: lors elle dit au Iuge: J'ay prié mon Seigneur Iesus Christ, que ce feu ne me bruslast, & qu'il luy pleust de prolonger mon martyre, afin que les Chrestiens demeurent fermes & constans en leur foy, & qu'ils ne redoutent tes cruels tourmens, & que les infidelles soyent confus, voyans le peu de pouuoir qu'ils ont sur les fidelles seruiteurs du Tres haut: le Iuge inhumain commanda qu'on luy donnast vn coup d'estoc au trauers de la gorge: & la bien-heureuse Vierge estant frappee à mort pria tant qu'il luy pleust, & dit ce qu'elle voulust aux Chrestiens la presens, les consolant de l'esperance de la paix dont l'eglise deuoit bien tost iouyr, & que les Empereurs qui luy faisoient la guerre se deposeroient bien tost de leurs charges, & que tout ainsi que la ville de Catane auoit sa sœur sainte Agathe pour Patrone, de mesme qu'elle le feroit de Saragoce, si le peuple se conuertissoit à la Foy de Iesus-Christ.

Et pour preuue du chastiment que Dieu commande iuste Iuge, enuoye sur les meschans Iuges, comme sainte Luce estoit environnee des flammes & blessée, consolant les Chrestiens de la douceur de ses discours, les Siciliens empoignerent Paschal, & luy mirent les fers aux pieds comme à vn voleur & destructeur de toute la prouince, & le passerent en cét estat deuant les yeux de la sainte Vierge, pour le mener à Rome, il fut conuaincu & condamné à mort. Sainte Luce apres auoir receu le tres-saint corps de nostre Seigneur, de la main des prestres qui le luy porterent secrettement, elle rendit l'ame à Dieu: son corps fut enterré à Saragoce, où il y a aujourd'huy deux Eglises, l'vne fort superbe, hors la ville, au lieu de son martyre, & vne autre dans la ville: son corps saint demeura plusieurs annees à Saragoce, & nostre Seigneur fit de grandes misericordes par son intercession aux fidelles qui se recommandoient à elle: de là il fut porté à Constantinople.

LA VIE DE SAINT SPIRIDION,
Euesque & Confess. urr



Ntre les sainctz Euesques & glorieux Confesseurs que l'Empereur Maximian auoit affligez, leur creuant l'œil droit, & coupant le neif viril & le iaret gauche, & puis les condamnant à fouyr les mines de metal à cause qu'ils se trouuerent au Concile de Nice pour condamner l'heresie d'Arius, l'un des plus illustres & insignes fut S. Spiridion Euesque de Cypre, d'ot il estoit natif & y auoit esté nourry simple berger & tres-sainct homme: car encore qu'il eust gardé les brebis, ayant vn soin de son troupeau, c'estoit vn riche Pasteur, paisible, & de fort bonne condition: il estoit liberal, qui retiroit volontiers les passans, les traitoit & cherrissoit, leur lauoit les pieds, & eust esté bien marry qu'un pelerin eust passé deuant sa maison sans y entrer. Il fut marié, & si tost qu'il eust vn garçon, sa femme & luy se separerent d'un commun consentement, & vivoient comme frere & sœur. Nostre Seigneur eu la vie de saint Spiridion si agreable, mesme lors qu'il estoit marié, qu'il l'honoroit de plusieurs miracles, & guarissoit par ses prieres ceux qui estoient frappez de diuerses maladies: il deliura plusieurs possedez de la tyrannie de Sathan. Per ses miracles ioints à sa sainte vie, il fut Euesque de Trimitane en Cypre, en laquelle dignité il parut bien d'auantage, & nostre Seigneur fit par son intercession tant de prodiges & de merueilles, que tout le monde en estoit rauy en admiration.

Nostre Seigneur pour punir les pechez des hommes, enuoya vne fascheuse seicheresse, qui causa la cherté, la famine, & la peste: il mourut la tierce partie du monde, le reste ne faisoit que languir lors qu'ils eurent recours à saint Spiridion, pour appaiser nostre Seigneur par ses prieres, & leur obtint la pluye du Ciel par les larmes de ses yeux: & le Sainct pria, pleura, impetra comme vn autre Helie, l'eau du Ciel qui fit cesser ceste calamité: mais les pechez continuans, la punition retourna; aussi car la terre ne porta plus de fruit, les pauures mouroient de faim, estoient tous perdus & faillis de courage, les riches tenoient la maison close, & fermoient la porte, de peur que les hauts cris & clamours des pauures ne paruinssent iusques à leur cœur endurey: il y eut vn pauure entr'autres qui s'adressa à vn riche, le suppliant d'auoir pitié de luy, & de le secourir de ce qu'il luy plairoit: il l'en refusa; il s'en alla à S. Spiridion luy demander secours & consolation: le Sainct luy dit, ne vous fâchez point, mon fils, demain vostre maison sera remplie, & celuy qui vous semble maintenant si riche, sera miserable, & vous priera de prendre tout ce qu'il vous plaira de ses biens, & vous vous moquerez de luy: le pauure homme pensa que le Sainct luy disoit ces paroles par compliment pour le consoler, il se retira fort triste & desolé: nostre Sei-

xx

cinople, & par succession de temps transferé en la ville de Venise, où il est tenu en fort grande veneration.

Le Martyre de sainte Luce fut le 13. de Decembre (auquel iour l'Eglise solemnise sa Feste) for la fin de l'Empire de Diocletian & Maximian, lesquels, suivant la Prophetie de la Sainte, se deposerent volontairement du gouvernement de l'Empire, & depuis par vn iuste iugement de Dieu, moururent miserablement. Il est fait mention de sainte Luce dans le Martyrologe, dans Baronius en ses Annotations, & à la fin du 2. Tome de ses Annales, & au 6. Tome de Surius, sa vie & son martyre est rapporté des liures fort anciens & authentiques, desquels nous auons fait ce recueil.

Il y en a qui tiennent ordinairement ceste sainte Vierge pour aduocate de la veuë, & la peignent avec ses yeux dans vn plat qu'elle tient en ses mains: son Histoire ne raconte point la cause de ceste peinture, ny qu'elle se soit arrachée les yeux pour se deliurer d'un hommela-cif qui la poursuinoit, comme d'aucuns ont escrit. Et le Pré spirituel, qui est vn liure ancien, & approuué, attribue cet acte à vne fille d'Alexandrie: neantmoins on ne laisse pas d'experimenter tous les iours de nouvelles graces & faueurs que fait nostre Seigneur à ceux qui ont mal aux yeux, & se recommandent deuotement à sainte Luce. Nous deuons tous luy porter vne grande deuotion, non seulement, afin qu'elle nous garde par le moyen de ses prieres la veuë corporelle, mais beaucoup plus tost, afin que nous obtenions la spirituelle & eternelle: le Docteur Iean Exius, homme docte & graue de nostre temps, escrit que sainte Luce & saint Laurent sont Aduocats contre le feu.

A Saragosse ville de Sicile, sainte Luce vierge & martyre, durant la persecution de Diocletian, fut par le commandement d'un nommé Pasquier, qui auoit esté consul, livrée entre les mains de certains macquereaux, lesquels la voulans mener au lieu infame, ne la peurent faire partir d'une place, quoy qu'ils y assent de cordes & autres engins, voire y atrelassent plusieurs paires de bœufs. Parquoy ils l'arrosferent de poix resine, & huile bouillante, toutes lesquelles choses ne l'ayant aucunement endommagée, quelqu'un luy donna un coup d'espee dans le gosier, d'ou elle mourut. En Armenie trespasserent les Sainctz martyrs Eustrace, Euxence, Eugene, Mardaire & Orestes, de lesquels Eustrace durant la persecution de Diocletian, fut en premier lieu sous Lysias tout seul, & puis à sebastie sous Agricole, tourmenté en plusieurs & diuerses façons avec Orestes, & en fin ietté dans vne fournaise, où il rendit l'ame. Orestes estant couché sur un lit de fer, tout rouge de feu, passa à vne meilleure vie. Les autres ayant enduré diuers supplices, sous le President Lysias, finirent diuersement leur vie. Leurs corps furent par apres tous transportez à Rome, & honorablement colloquez en l'Eglise sainte Apollinaire. En Sardaigne endura sainte Antioche, du temps de l'Empereur Adrian. A Cambray mourut saint Audebert Euesque & Confesseur, qui vint du temps de Dagobert. En l'Abbaye de Pontbren saint Iosse Confesseur. Au territoire de Strasbourg sainte Othilie vierge.